



MINISTÉRIO DA  
EDUCAÇÃO

**Ministériu Edukasaun Timor-Leste  
Termus Referénsia kona-ba  
Asaun Konjunta ba Edukasaun iha Timor-Leste**

---

## **1. Kontestu**

---

1.1. Planu Dezenvolvimentu Estratéjiku 2011-2030 deklara katak: “...*ami-nia vizaun mak ami-nia labarik Timor-oan hotu-hotu tenke atende eskola no simu kualidade edukasaun ida ne’ebé fó ba sira koñesimentu no abilidades atu hala’o moris saudavel, produtivu no atu ativamente kontribui ba ami-nia NASAUN nia dezenvolvimentu*<sup>1</sup>...”.

1.2. Primeiru Diálogu Nasionál kona-ba Asaun Konjunta ba Edukasaun (ACETL<sup>2</sup>) ne’ebé halibur ona parte-interesada edukasaun hotu-hotu iha Díli iha 31 Janeiru 2013 nesesidade atu integra no konsolida iniciativas barak iha setór saúde, iha nível nacionál no distritu.

1.3. Konsidera faktu katak Planu Estratéjiku Nacionál ba Edukasaun 2011-2030 afirma papél lideransa hosi Ministériu Edukasaun (METL) iha setór koordenasaun, dokumentu prezente ne’foka atu estabelese sistema ida ne’ebé espesífiku ba NASAUN, armonizadu no simplifikadu – ACETL – kona-ba koordenasaun ba parseiru sira-nia input ba edukasaun no mós hanesan mekanismu ida hodi monitoriza ezekusaun setór tomak ba Planu Edukasaun Anuál.

1.4. Termus Referénsia (TR) ACETL dezenvolve ona hosi Ministériu Edukasaun Timor-Leste ho apoiu hosi ninia parseiru sira no tuir matadalan hosi Parseria Globál ba Edukasaun. TR ne’e refletta Ministériu nia kompromisu atu implementa programa Efikásia Ajuda, hanesan artikula ona iha Akordu Foun kona-ba Envolvimentu iha Estadu Frajil sira (“Akordu Foun”), atu promove liután armonizasaun, aliñamentu no integrasaun ho sistema nacionál sira, jestaun ba rezultadus, no responsabilizasaun komún, enkuantu hetan daudaun apoiu hosi parseiru sira-nia input ne’ebé bele prevee no tuir tempu.

1.5. Ne’e intende katak ACETL sei kaer mós papél ida atu garante katak programas no atividades setór edukasaun dezenvolvimentu no implementa iha dalan sira ne’ebé konsistente ho prinsipius direitus umanus, igualdade jéneru, defisiénsia no sustentabilidade ambientál, hato’o ona iha kompromisus internacionais ne’ebé konkorda no adopta ona hosi Timor-Leste, mak hanesan Metas Dezenvolvimentu Milénio, metas Edukasaun ba Hotu-hotu, no Iniciativa Edukasaun Uluk.

## **2. Objetivos**

---

2.1. Promove diálogu inkluzivu no partisipatóriu entre parte-interesada xave sira kona-ba edukasaun.

2.2. Estabelese sistema ne’ebé lidera no na’in hosi NASAUN ba planeamento anuál, prestasaun no monitorizasaun ba assisténsia dezenvolvimentu anuál ne’ebé koordenadu didi’ak ba setór edukasaun.

2.3. Enkoraja armonizasaun no simplikasaun iha setór Edukasaun, enkuantu promove transparénsia, fi’ar no responsabilizasaun komún iha jestaun ba rezultadus.

## **3. Prinsípius Matadalan**

---

3.1. Ministériu nia lideransa, envolvimentu nível jestaun ne’ebé ativu, no partisipasaun parseiru dezenvolvimentu.

---

<sup>1</sup> Tuir pájina 14, Planu Dezenvolvimentu Estratéjiku 2011-2030

<sup>2</sup> ACETL nia akrónimu mak “Ação Conjunta para a Educação em Timor-Leste”

3.2 Armonizasaun ho, no aliñamentu ba Ministériu nia prosedimentus, sistemas no integrasaun ba iha Ministériu nia enkuadramentus implementasaun no monitorizasaun Planu Anuál iha espíritu Akordu Foun ne'e.

#### 4. Mekanismu

---

4.1. ACETL ne'e komposta hosi nível koordenasaun tolu:

4.1.1. **Nivel Estratéjiku:** atu fó diresaun estratéjika liuhosi diálogu boot no aprovasaun ba desizaun sira. Prezide hosi Ministro Edukasaun no hala'o tinan ida dala ida, prefere liu iha primeira trimestre.

4.1.2. **Nivel Tékniku:** atu fó forum ida hodi hadi'ak koordenasaun kona-ba kestoens téknikas relasiona ba setór ne'e tomak. Reuniaun nível téknika iha tinan ne'e nia laran hala'o iha forma revizaun téknika anuál konjunta ba setór.

4.1.3. **Nivel Lokál:** atu fó oportunidade ida hodi koordena implementasaun no monitorizasaun iha nível sub-nasionál. Prezide hosi Diretor Edukasaun Distritu sira no hala'o mínimu kada trimestre.

4.2. Prezidensia ba reuniaun ACETL hotu-hotu sei sempre mai hosi reprezentante METL ida. Papél Co-Prezidensia sei hala'o hosi reprezentante Parseiru Dezenvolvimentu Edukasaun nian. Prezidensia no Co-Prezidensia sei, molok no depois kada reuniaun ACETL konkorda ajenda no aprova esbosu minutus reuniaun nian. Termu ba Co-Prezidente sei anuál no depois tuifali sei loke ba rotasaun Co-Prezidente foun ida. Nomeiasaun no aprovasaun ba pozisaun Co-Prezidente sei determina iha reuniaun nível téknika ACETL.

4.3. Metodolojia tenke orientadu ba problema/solusaun atu garante diálogu no partisipasaun 'envolvidu'. Ne'e forum kolaborativu ida ne'ebé buka atu garante katak parte hotu-hotu informadu totalmente kona-ba progresu no dezafius iha setór ne'e, no ne'e halibur no fahe informasaun rekursus internus no esternus iha setór edukasaun.

4.4. Diskusaun no dokumentus ACETL hotu-hotu sei halo iha lian ofisiál sira iha Timor-Leste.

---

#### 5. Outputs Esperadu

5.1. Atu garante katak ACETL ne'e nafatin orienta ba rezultadu no foka ba alkansa objetivus ba prioridade ne'ebé halo ona ba tinan ida, kustu planu setór, prosesu anuál indikativu tuirmai ne'e no outputs tenke iha:

5.1.1 Iha **Reuniaun Estratéjiku ACETL** (hala'o pelumenus tinan ida dala ida)

- Aprezentasaun Relatório Progresu Anuál.
- Diskusaun no akordu kona-ba prioridades edukasaun hosi ACETL ba tinan tuirmai.
- Asuntus ajenda nian hosi nível ACETL Tékniku ba aprovasaun.

5.1.2. Iha **Reuniaun Téknika ACETL** (hala'o pelumenus tinan ida dala haat)

- Inputs hosi parseiru sira.
- Aprezentasaun kona-ba apoiu interno no esternu ba setór edukasaun.
- Monitorizasaun ba implementasaun planu setór anuál.

5.1.3. Iha **Reuniaun Lokál ACETL** (hala'o pelumenus tinan ida dala haat)

- Koordenasaun no monitorizaun lokál ba kestaun xave sira, inklui merenda eskolár no programa konsesaun escolar, jestaun no hanorin iha eskola.

## 6. Asosiasaun

---

6.1. Asosiasaun ba ACETL ne'e nakloke ba parte-interesada edukasaun relevante hotu-hotu, hanesan, instituisaun governu nian, parseiru dezenvolvimentu nasionál no internasional, ONG sira, sosiedade sivel, setór privadu no organizasaun profersores nian.

6.2. Bele konvida parte-interesada sira seluk atu partisipa iha reuniaun ACETL ho pedidu espesífiku hosi prezidensia no co-prezidensia sira.

## 7. Estrutura Badak ACETL

---

**Reuniaun LOKAL**      Objetivu – monitoriza no koordena atividades projeto ACETL

Participantes – Diretores Distritais, Diretor Eskola sira, Parseirus Dezenvolvimentu, ONGs, CSOs, etc.

Frekuensi - trimestral

Output – Relatorius hosi Diretor Distritu sira aprobadu

**Reuniaun TEKNIKU ACETL**      Objetivu – garante koordenasaun ba nesesidades implementasaun Planu Anual

Participantes – Diretor Jeral sira, reprezentante hosi parseiru Nasional no Internasional sira

Frekuensi – trimestral

Input – relotoriu progresu ba atividades

Output – relotoriu reuniaun nian aprobadu ho desizaun kona-ba etapa sira tuirmai

**Reuniaun ESTRATEJIKA ACETL**      Objetivu - fo vizaun luan kona-ba estadu hosi setor edukasaun

Participantes – Ministeriu, ajensia publika sira, parseiru dezenvolvimentu nasional no internasional sira, sosiedade civil etc.

Frekuensi – anual

Input – Planu Setor Anual no relatorius anuais

Output – feedback kona-ba progresu no rekomentasaun annual hodi rezolve desekilibriu iha areas hili ona ba diskusaun